

გამარტივებული ელექტრონული ტენდერის

დოკუმენტაცია

სსიპ გარემოს ეროვნული სააგენტოს ბალანსზე რიცხული ავტოსატრანსპორტო საშუალების
შეკეთებისა და ტექნიკური მომსახურების (მიმწოდებლის მასალებით) სახელმწიფო შესყიდვის
შესახებ

CPV50112000

ქ. თბილისი

2014 წელი

სარჩევი

1	ინსტრუქცია ტენდერში მონაწილეთათვის	3
2	ტექნიკური დოკუმენტაცია	4
3	სახელმწიფო შესყიდვის შესახებ ხელშეკრულების პროექტი	6
4	დანართი N2 -ტექნიკური დავალება, მომსახურების მიწოდების ვადები, საგარანტიო პირობები. ინფორმაცია ავტექმომსახურების სერვისის მისამართის შესახებ.	11
5	დანართი N3 -ავტომანქანების ჩამონათვალი	12
6	დანართი N4 - რეკვიზიტები	13
7	დანართი N5 - დეფექტური აქტის ფორმა	14
8	დანართი N6 - შუალედური მიღება-ჩაბარების ფორმა	15
9	დანართი #7 - მიღება-ჩაბარების ფორმა	16

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრედენდენტს არა აქვს უფლება წარმოადგინოს ალტერნატიული სატენდერო წინადადება

2. ტექნიკური დოკუმენტაცია

2.1 როგორც იურიდიული ასევე ფიზიკური პირებისათვის სახელმწიფო შესყიდვების ერთიან ელექტრონულ სისტემაში ასატვირთი ინფორმაცია:

- ა) სატენდერო წინადადების ფასი, პრეისკურანტი (ხარჯთაღრიცხვა), გასაწევი მომსახურების ჩამონათვალი სატენდერო დოკუმენტაციის დანართის N1 მიხედვით;
- ბ) თანხმობა სატენდერო დოკუმენტაციის დანართით N2 გათვალისწინებულ ტექნიკურ დავალებაზე, მომსახურების მიწოდების ვადებზე, საგარანტიო პირობებზე. ინფორმაცია ავტექნომომსახურების სერვისცენტრების მისამართების შესახებ.
- გ) რეკვიზიტები სატენდერო დოკუმენტაციის დანართის N4 მიხედვით;
- დ) სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).
- ე) პრეტენდენტის მფლობელობაში არსებული სერვისცენტრების ჩამონათვალი მისამართების და მფლობელობის ფორმის (საკუთრება, იჯარა და სხვ.) მითითებით. იმ შემთხვევაში, თუ ავტოსახელოსნო(ები) არ წარმოადგენს პრეტენდენტის საკუთრებას, სისტემაში უნდა აიტვირთოს შესაბამისი ხელშეკრულებები.
- ვ) ინფორმაცია მატერიალურ ტექნიკური ბაზის შესახებ (უნდა შეესაბამებოდეს წუნამდებარე სატენდერო დოკუმენტაციის მოთხოვნებს)

აუცილებელი პირობა: პრეტენდენტი უნდა ფლობდეს მინიმუმ 3 (სამი) ერთეულ ავტოსახელოსნოს, მ.შ აუცილებლად:

- 1) 1 ერთეული ქ. თბილისში,
- 2) 1 ერთეული ქ. ქუთაისში,
- 3) 1 ერთეული ქ. ბათუმში,

რომელიც უნდა იყოს ტექნიკური დავალების (სატენდერო დოკუმენტაციის დანართი №2) მე-5, მე-6 და მე-7 პუნქტების მოთხოვნათა შესაბამისი.

ვ) პრეტენდენტმა სისტემაში უნდა ატვირთოს ინფორმაცია მსგავსი ტიპის მომსახურების გაწევის გამოცდილების შესახებ.

აუცილებელი პირობა: პრეტენდენტს 2011, 2012, 2013 და 2014 წლებში უნდა ჰქონდეს ანალოგიური მომსახურების გაწევის გამოცდილება ჯამური ღირებულებით არანაკლებ 100 000 ლარისა. აღნიშნულის დასადასტურებლად პრეტენდენტმა ერთიან ელექტრონულ სისტემაში, სატენდერო წინადადებასთან ერთად უნდა ატვირთოს შესაბამისი ხელშეკრულებები და მიღება-ჩაბარების აქტები ან/და შესაბამისის დამადასტურებელი

2.2. სატენდერო წინადადების ფასი

2.2.1 სატენდერო წინადადების ფასი წარმოდგენილი უნდა იყოს სატენდერო დოკუმენტაციის დანართში N1 მოცემული მომსახურებისა და სათადარიგო ნაწილების ერთეულის ფასის ჯამური ღირებულების (პრეისკურანტი) მიხედვით, რომელიც არ უნდა აღემატებოდეს ტენდერის ჩატარების შესახებ განცხადებაში მითითებული პრეისკურანტის სავარაუდო ღირებულებას თითოეული პოზიციის მიხედვით.

2.2.2 ერთეულის ფასი გამოსახული უნდა იყოს ლარში, მიმწოდებლისათვის საქართველოს კანონმდებლობით გათვალისწინებული ყველა გადასახადის გათვალისწინებით, მათ შორის დამატებითი ღირებულების გათვალისწინებით თუ პრეტენდენტი არის დღგ-ს გადამხდელი. ასევე პრეტენდენტმა ერთეულის ღირებულებაში უნდა გაითვალისწინოს ყველა ის თანმდევი ხარჯი, რომელიც დაკავშირებული იქნება მომსახურების გაწევასთან.

2.3 . ტექნიკური დავალება, მომსახურების გაწევის ადგილი, ვადები, საგარანტიო პირობები და ავტომანქანების ჩამონათვალი:

2.3.1. ტექნიკური დავალება, მომსახურების მიწოდების ადგილი, ვადები და საგარანტიო პირობები მოცემულია სატენდერო დოკუმენტაციის დანართში N2.

2.3.2. ავტომანქანების ჩამონათვალი მოცემულია სატენდერო დოკუმენტაციის დანართში N3.

2.4. ანგარიშსწორების პირობები

2.4.1. ანგარიშსწორება მოხდება უნაღდო ანგარისწორებით ლარში.

2.4.2. ანგარიშსწორება მოხდება ფაქტობრივად გაწეული მომსახურების შესაბამისად გაფორმებული ყოველთვიურად შესრულებული სამუშაოების მიღება-ჩაბარების აქტის საფუძველზე, მიმწოდებლის მიერ შესაბამისი ფინანსური დოკუმენტაციის წარმოდგენიდან 5 სამუშაო დღის ვადაში.

2.4.3 წინამდებარე პუნქტის 2.4.2 ქვეპუნქტით განსაზღვრული ყოველთვიური მიღება-ჩაბარების აქტის გაფორმების საფუძველს წარმოადგენს მიმწოდებლის მიერ ყოველი კონკრეტული შემთხვევისათვის გაკეთებული დეფექტური აქტი დანართი #5-ის შესაბამისად და შუალედური მიღება-ჩაბარების აქტი დანართი #6-ის შესაბამისად.

2.5. დაფინანსების წყარო - სსიპ გარემოს ეროვნული სააგენტოს 2014 წლის არასაბიუჯეტო დაფინანსურების ფარგლებში.

2.5.1. შესყიდვის სავარაუდო ღირებულება პრეისკურანტით: 395901 (სამასოთხმოდათხუთმეტიატას ცხრაასერთი) ლარი;

2.5.2 სახელშეკრულებო ღირებულება: 20000 (ოციათასი) ლარი.

2.6. ხელშეკრულების შესრულების უზრუნველყოფის საბანკო გარანტია - არ გამოიყენება

2.7. დამატებითი ინფორმაცია:

2.7.1. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

2.7.2. ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

2.7.3. ყველაზე დაბალი ფასის წინადადების მქონე მიმწოდებლის მოთხოვნის შემთხვევაში 2.7.1. პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

2.7.4. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირი არის სატენდერო კომისიის აპარატის წევრი, სსიპ გარემოს ეროვნული სააგენტოს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს წამყვანი სპეციალისტი ზაზა დვალაძე 599 19 78 38.

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

3. ხელშეკრულება სახელმწიფო შესყიდვის შესახებ №

ქ. თბილისი

„.....“ „.....“ 2014წ

ხელშეკრულების დამდები მხარეები

ერთი მხრივ, სსიპ გარემოს ეროვნული სააგენტო (შემდგომში - „შემსყიდველი“) წარმოდგენილი მისი უფროსის შალვა ჯავახაძის სახით

და მეორეს მხრივ ----- (შემდგომში „მიმწოდებელი“)

(პრეტენდენტის სამართლებრივი ფორმა და დასახელება)

წარმოდგენილი მისი ----- სახით, ვდებთ წინამდებარე

(უფლებამოსილი პირის თანამდებობა და სახელი)

ხელშეკრულებას შემდეგზე:

1. ხელშეკრულების საგანი და ღირებულება

1.1. ხელშეკრულების საგანს წარმოადგენს სსიპ გარემოს ეროვნული სააგენტოს ბალანსზე რიცხული, სატენდერო დოკუმენტაციის დანართი #3-ით განსაზღვრული ავტოსატრანსპორტო საშუალებების ავტოტექმომსახურება მიმწოდებლის ახალი, ქარხნული სათადარიგო ნაწილებით.

1.2 შემსყიდველმა გამოაცხადა 2014 წლის სახელმწიფო შესყიდვების გეგმის თანახმად, 2014 წლის არასაბიუჯეტო სახსრების ფარგლებში სსიპ გარემოს ეროვნული სააგენტოს ბალანსზე რიცხული დანართით N3 გათვალისწინებული ავტომობილების შეკეთებისა და ტექნიკური მომსახურების (CPV **50112000**) სახელმწიფო შესყიდვის მიზნით გამოცხადებული გამარტივებული ელექტრონული ტენდერის (#SPA_____) შედეგების გათვალისწინებით მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება _____ ლარად (შემდგომში ხელშეკრულების ღირებულება).

1.3. გასაწევი მომსახურებისა და სათადარიგო ნაწილების ერთეულის ფასები მოცემულია ხელშეკრულების დანართში N1 (სატენდერო დოკუმენტაციის დანართი N1), რომელიც წარმოადგენს წინამდებარე ხელშეკრულების განუყოფელ ნაწილს.

2. ხელშეკრულების შესრულების კონტროლი

2.1 ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს მიმწოდებლის მიერ ნაკისრი ვალდებულებების შესრულებაზე.

2.1.1 ავტოსახელოსნოში ყველა კონკრეტულ ჯერზე შესვლისას, ყოველ ა/მანქანას თან უნდა ახლდეს დეფექტური აქტი (სატენდერო დოკუმენტაციის დანართი №5-ის შესაბამისად).

2.2 ხელშეკრულების მიმდინარეობის კონტროლის მიზანს წარმოადგენს:

2.2.1 მიწოდებული მომსახურების ხარისხისა და მოცულობის ხელშეკრულების მოთხოვნებთან - ხელშეკრულების დანართით №1 (სატენდერო დოკუმენტაციის დანართი N1) გათვალისწინებული გასაწევი მომსახურებისათვის საჭირო საქონლისა და მომსახურების ჩამონათვალთან და ხელშეკრულების დანართით N2-ით გათვალისწინებულ ტექნიკურ დავალებასთან (სატენდერო დოკუმენტაციის დანართი

N2) შესაბამისობის დადგენა; გაწეული მომსახურების შესახებ შუალედური და ყოველთვიური მიღება-ჩაბარების აქტის გაფორმება და ანგარიშსწორების პროცესის რეგულირება; მიმწოდებლის მხრიდან ხელშეკრულებით ნაკისრი ვალდებულებების შესრულების კონტროლი.

2.2.2 საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.3 ხელშეკრულების შესრულების კონტროლს ახორციელებს სსიპ გარემოს ეროვნული სააგენტოს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს თანამშრომელი.

3. გასაწევი მომსახურების ტექნიკური დავალება

3.1 სათადარიგო ნაწილებისა და გასაწევი მომსახურების ჩამონათვალი მოცემულია ხელშეკრულების დანართში N1 (**სატენდერო დოკუმენტაციის დანართში N1**), ხოლო შესყიდვის ობიექტის ტექნიკური დავალება, მოცემულია ხელშეკრულების დანართში N2 (**სატენდერო დოკუმენტაციის დანართში N2**).

3.2.ავტომობილების მოდელი, სახ. ნომრის და საწვავის ტიპის მითითებით მოცემულია ხელშეკრულების დანართში N3

3.3. ხელშეკრულების დანართი N1, დანართი N2 და დანართი N3 წარმოადგენს ხელშეკრულების განუყოფელ ნაწილს.

4. მომსახურების მიწოდების ადგილი, პირობები, ვადები და საგარანტიო ვადები

4.1.მომსახურების მიწოდების ადგილი, პირობები, ვადები და საგარანტიო ვადები მოცემულია ხელშეკრულების დანართში N2 (**სატენდერო დოკუმენტაციის დანართში N2**).

5. მიღება-ჩაბარების წესი

5.1 მომსახურების მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული მომსახურების შესაბამისად.

5.2 წინამდებარე პუნქტის 5.1 ქვეპუნქტით განსაზღვრული ყოველთვიური მიღება-ჩაბარების აქტის გაფორმების საფუძველს წარმოადგენს მიმწოდებლის მიერ ყოველი კონკრეტული შემთხვევისათვის გაკეთებული დეფექტური აქტი დანართი #5-ის შესაბამისად და შუალედური მიღება-ჩაბარების აქტი დანართი #6-ის შესაბამისად.

5.3 შემსყიდველის მხრიდან გაწეული მომსახურების შესახებ ყოველთვიურ მიღება-ჩაბარების აქტზე ხელმომწერ პირს წარმოადგენს სსიპ გარემოს ეროვნული სააგენტოს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს უფროსი ზურაბ ტყემალაძე.

5.3 იმ შემთხვევაში თუ, მიწოდებული მომსახურება შეესაბამება ხელშეკრულების დანართით №1 და დანართით N2 გათვალისწინებულ მოთხოვნებს, ხელშეკრულების 2.3. პუნქტით განსაზღვრული პირი მიღება-ჩაბარების აქტის საფუძველზე ახორციელებს მომსახურების მიღებას, ხოლო თუ, მომსახურების მიწოდების პროცესში გამოვლინდება, რომ მიწოდებული მომსახურება არ აკმაყოფილებს ხელშეკრულების დანართით №1 და დანართით N2 გათვალისწინებულ მოთხოვნებს, ხელშეკრულების 2.3. პუნქტით განსაზღვრული პირი მიმწოდებელს აცნობებს აღნიშნულის შესახებ, რის შემდეგაც შემსყიდველს უფლება აქვს არ მიიღოს ნაკლოვანი მომსახურება და მოსთხოვოს მიმწოდებელს საკუთარი ხარჯით გამოასწოროს ნაკლოვანი მომსახურება.

6. ანგარიშსწორება

6.1 ყოველ თვეში გაწეული მომსახურების ღირებულება ანაზრაურდება მომდევნო თვეში; ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, ფაქტიურად გაწეული მომსახურების ღირებულების შესაბამისად.

6.2 ანგარიშსწორება განხორციელდება მიმწოდებლის საბანკო რეკვიზიტებზე.

6.3 ანგარიშსწორება მიმწოდებელთან განხორციელდება მხარეთა შორის გაფორმებული მიღება-ჩაბარების აქტის და შესაბამისი ფინანსური დოკუმენტაციის საფუძველზე.

6.4 ანგარიშსწორება მიმწოდებელთან განხორციელდება მიმწოდებლის მიერ ხელშეკრულების 6.3. პუნქტით გათვალისწინებული დოკუმენტების წარმოდგენიდან არაუგვიანეს 5 (ხუთი) სამუშაო დღის განმავლობაში.

7. მხარეთა ვალდებულებები

7.1. მიმწოდებელი ვალდებულია:

7.1.1. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.2. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.3. გაავრცელოს გარანტია გაწეულ მომსახურებაზე და სათანადო ნაწილებზე ხელშეკრულების დანართით N2 გათვალისწინებული ვადით.

7.1.4. საკუთარი სახსრებით დროულად აღმოფხვრას საგარანტიო პერიოდში გამოვლენილი ყველა ნაკლოვანება.

7.1.5. უზრუნველყოს გამოვლენილი დეფექტებისა და ნაკლოვანების აღმოფხვრა საკუთარი ხარჯით, შემსყიდველის ან ხელშეკრულების 2.3. პუნქტით გათვალისწინებული პირის მოთხოვნიდან დაუყოვნებლივ ან გონივრულ ვადაში.

7.2. შემსყიდველი ვალდებულია:

7.2.1. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს მიმწოდებლის დროული და სრული დაფინანსება.

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1 მიმწოდებელს უფლება აქვს:

8.1.1 ხელშეკრულების ფარგლებში მოითხოვოს დროული და სრული დაფინანსება.

8.2 შემსყიდველს უფლება აქვს:

8.2.1 აწარმოოს მიმწოდებლის მიერ წინამდებარე ხელშეკრულებით ნაკისრი ვალდებულებების კონტროლი.

8.2.2 განაცხადოს უარი უხარისხო მომსახურების მიღებაზე.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების გაწევისათვის აუცილებელი საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი

მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. თუ მომსახურების პროცესში აღმოჩნდება, რომ საჭიროა ისეთი მომსახურების ან სათანადო ნაწილის შესყიდვა, რომელიც გათვალისწინებული არ არის ხელშეკრულების დანართში #1 (სატენდერო დოკუმენტაციის დანართი N1), ასეთ შემთხვევაში შესაძლებელია განხორციელდეს ხელშეკრულებაში ცვლილება მხარეთა შეთანხმების საფუძველზე. გაუთვალისწინებელი მომსახურებისა და სათანადო ნაწილის ერთეულის ფასის განსაზღვრა ხდება შემსყიდველთან შეთანხმებით, რომელიც არ უნდა აღემატებოდეს საბაზრო ფასს, ხოლო გაუთვალისწინებელი მომსახურების ან სათანადო ნაწილის არარსებობით გამოწვეული შესყიდვის ხვედრითი წილი არ უნდა აღემატებოდეს პრეისკურანტის ჯამური ღირებულების 10%-ს.

10.5. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების

პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1 მიმწოდებელი კისრულობს პასუხისმგებლობას:

13.1.1. ხელშეკრულებით გათვალისწინებული მიწოდების ვადების დარღვევის შემთხვევაში გადაუხადოს შემსყიდველს პირგასამტეხლო სახელშეკრულებო ღირებულების 0,5%-ის ოდენობით, ყოველ ვადაგადაცილებულ დღეზე.

13.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევის შემთხვევაში მიმწოდებლის წერილობითი მოთხოვნის საფუძველზე გადაუხადოს პირგასამტეხლო მიმწოდებელს შეუსრულებელი ვალდებულების 0,5%-ის ოდენობით, ყოველ ვადაგადაცილებულ დღეზე.

13.3 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.4 იმ შემთხვევაში, თუ ხელშეკრულებით ნაკისრი ვალდებულებების შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

14. ხელშეკრულების შეწყვეტა

ხელშეკრულება შეიძლება შეწყვეტილ იქნეს:

14.1. მხარეთა შეთანხმებით;

14.2. ხელშეკრულების 13.4. პუნქტით გათვალისწინებული პირობის არსებობისას;

14.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2015 წლის 30 იანვრის ჩათვლით, გარდა საგარანტიო პირობებით განსაზღვრული ვადებისა.

16. განსაკუთრებული პირობები

16.1 ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს;

16.2 ხელშეკრულების ერთი ეგზემპლარი ინახება შემსყიდველთან, ხოლო ერთი ეგზემპლარი მიმწოდებელთან.

ტექნიკური დავალება, მიწოდების ვადები, საგარანტიო პირობები, მომსახურების გაწევის ადგილი

ტექნიკური დავალება

1. სატრანსპორტო საშუალებების შეკეთება და ტექნიკური მომსახურება (სერვისი-სათადარიგო ნაწილები) გულისხმობს ავტოსატრანსპორტო საშუალებების დროულ და სრულყოფილ შეკეთებას; პროფილაქტიკური და დიაგნოსტიკური სამუშაოების ჩატარებას; ავტომობილის ნაწილების შეკეთებას და/ან გამოცვლას რაც გათვალისწინებულია დანართში N1.
2. სატრანსპორტო საშუალებების დაზიანებული ნაწილები უნდა შეიცვალოს ახალი, ქარხნული წესით დამზადებული სათადარიგო ნაწილებით.
3. იმ შემთხვევაში, თუ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით დაუყოვნებლივ ან გონივრულ ვადაში.
4. მიმწოდებელმა უნდა უზრუნველყოს მომსახურების გაწევა დანართით N3 გათვალისწინებულ ავტომობილებზე.
5. ავტოსერვისი უნდა იყოს აღჭურვილი თანამედროვე მოწყობილობებით. შრომის უსაფრთხოების წესების გათვალისწინებით;
6. ავტოსერვისს უნდა გააჩნდეს დაცვით უზრუნველყოფილი ავტოსადგომი მინიმუმ 10 მანქანაზე;
7. ავტოსერვისის განკარგულებაში უნდა იყოს მინიმუმ 3 ცალი საავტომობილო ამწე (ეგრედწოდებული „პადიომნიკი“), სატენდრო დოკუმენტაციის დანართში №3 მითითებული ავტომანქანების წონის შესაბამისი ტვირთამწეობით;
8. ავტოსერვისმა უნდა უზრუნველყოს მობილური მომსახურების ჯგუფი საჭიროების შემთხვევაში და ევაკუატორით მომსახურება ქვეყნის მასშტაბით.

მომსახურების გაწევის ვადები

1. მომსახურება გაწევა უნდა დაიწყოს დაუყოვნებლივ, რიგგარეშედ, დანართით N3 გათვალისწინებული ავტომანქანის წარგენისთანავე ამასთან მომსახურების ვადა თითოეულ კონკრეტულ შემთხვევაზე განისაზღვრება მხარეთა მიერ.
2. მომსახურების გაწევის ვადაა 2014 წლის 31 დეკემბრამდე.

საგარანტიო პირობები

1. საგარანტიო პერიოდში მიმწოდებელი ვალდებულია დაუყონებლივ, შემსყიდველის ზედმეტი დანახარჯების გარეშე, აღმოფხვრას აღმოჩენილი წუნი/დაზიანება.
2. გაწეულ მომსახურებაზე და შეცვლილ ნაწილებზე უნდა ვრცელდებოდეს გარანტია შემდეგი პირობებით:
ა) აგრეგატები და ელექტრობა - არანაკლებ 1 წელი; ბ) სავალ ნაწილები - არანაკლებ 6 თვე.

მომსახურების გაწევის ადგილი

პრეტენდენტი ვალდებულია წარმოადგინოს სერვის ცენტრის მისამართები ქვემოთ მითითებული ცხრილის შესაბამისად

N	ავტოტექმომსახურების სერვის ცენტრის მისამართი (ივსება პრეტენდენტის მიერ)
1	
...	

(ხელმოწერა)

(ბ.ა. ბეჭდის არსებობის შემთხვევაში)

ავტომატების ჩამონათვალი

#	ა/მ დასახელება	გამოშვების წელი	სახ.ნომერი	საიდენტიფიკაციო ნომერი
1	ნივა 1,7.მექანიკა,ბენზინი	2006	TBI-682	XTA21214061816192
2	მ/ავტობუსი ოპელ ვივარო 1,9ტ/დ,მექანიკა	2004	HCH-287	WOLF7ABA54V632553
3	მ/ავტობუსი მერსედეს ბენცი სპრინტერი 208 დიზელი,მექანიკა	1999	BAS-367	WDB9023711P899369
4	ტოიოტა ლენდკრუიზერი 100. 4,7 ავტომატიკა ბენზინი	2001	QGQ-258	JTEHT05J112010436
5	ტოიოტა რაე-4. 2,0. ავტომატიკა,ბენზინი	2008	TTE-820	JTMBH31V506069888
6	ფორდ რეინჯერი 3,0 ტ/დიზელი,მექანიკა	2007	ZYZ-520	WFOUMFE907W690847
7	ფორდ რეინჯერი 3,0 ტ/დიზელი,მექანიკა	2008	ZYZ-675	WFOUMFE907W691443
8	ჰიუნდაი გეტცი 1,4 მექანიკა,ბენზინი	2009	BQB-424	KMHBU51DP9U870549
9	ჰიუნდაი ტუქსონი 2,0 მექანიკა, ბენზინი	2008	ZXZ-438	KMHJN81BP8U866510
10	ჰიუნდაი ტუქსონი 2,0 ავტომატიკა,ბენზინი	2008	DLD-211	KMHJN81BP8U865400
11	ტოიოტა ჰაილუქსი 2,5 ტურბო დიზელი მექანიკა	2007	PAD-873	MROFR22G880637415
12	ტოიოტა ჰაილუქსი 2,5 ტურბო დიზელი მექანიკა	2007	PAD-871	MROFR22G480637055
13	ტოიოტა ჰაილუქსი 3,0 ტურბო დიზელი ავტომატიკა	1999	GSG-430	KZN1300001031

(ხელმოწერა)

(ბ.ა. ბეჭდის არსებობის შემთხვევაში)

რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

მომსახურე ბანკი:

ბანკის კოდი:

ანგარიშის ნომერი:

(ხელმოწერა)

(ბ.ა. ბეჭდის არსებობის შემთხვევაში)

დეფექტური აქტი

დამკვეთი											
შემსრულებელი											
თარიღი											
ავტომაქანის მოდელი											
სახელმწიფო №											
გამოშვების წელი											
გარბენი											
№	შესრულებული სამუშაო	რაოდ	განზ	ერთ. ღირ.	ფასი	№	შეცვლილი სათადარიგო ნაწილი	რაოდ	განზ	ერთ. ღირ.	ფასი
შესრულებული სამუშაოს ჯამი					0.00	შეცვლილი სათადარიგო ნაწილების ჯამი					0.00
საერთო გადასახდელი თანხა							0.00				

შემსრულებელი:

შუალედური მიღება-ჩაბარების აქტი

დამკვეთი											
შემსრულებელი											
თარიღი											
ავტომატის მოდელი											
სახელმწიფო №											
გამოშვების წელი											
გარბენი											
№	შესრულებული სამუშაო	რაოდ	განზ	ერთ. ღირ.	ფასი	№	შეცვლილი სათადარიგო ნაწილი	რაოდ	განზ	ერთ. ღირ.	ფასი
	</										

ავტომატურად პასუხისმგებელი პირი:
სახელი გვარი _____

ხელმოწერა _____

დამკვეთი:
გარემოს ეროვნული
სააგენტოს
წარმომადგენელი _____

შემსრულებელი: _____

სსიპ გარემოს ეროვნული სააგენტო

მიღება-ჩაბარების აქტი

ქ. თბილისი

„___“ „___“ წელი

ჩვენ, ქვემოთ ხელის მომწერნი, ერთის მხრივ, სსიპ „გარემოს ეროვნული სააგენტო“-ს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს უფროსი ზურაბ ტყემალაძე და მეორეს მხრივ, „___“-ის „___“ ხელმოწერით ვადასტურებთ, რომ 2014 წლის „___“ თვეში „მიმწოდებელმა“ გაუწია, ხოლო „შემსყიდველმა“ მიიღო, 2014 წლის „___“ „___“ გაფორმებული # „___“ ხელშეკრულებით გათვალისწინებული

ავტომატური ტექნიკური მომსახურება

- შესრულებული სამუშაოს ღირებულება შეადგენს „___“ (თანხა სიტყვიერად) ლარი;
- სახელშეკრულებო ღირებულება შეადგენს „___“ (თანხა სიტყვიერად) ლარი;
- ნაზარდი ჯამით შესრულებულია „___“ (თანხა სიტყვიერად) ლარი;

დანართი: 1. შუალედური მიღება-ჩაბარების აქტი #.....

მიმწოდებელი:

„___“ დირექტორი

შემსყიდველი:

სსიპ გარემოს ეროვნული სააგენტოს
ადმინისტრაციული დეპარტამენტის
მატერიალურ-ტექნიკური უზრუნველყოფის
სამმართველოს უფროსი

/ზ. ტყემალაძე/